

- T44n1851_p0601a25(00) || 三界繫業義五門分別(釋名一 能繫二 所繫三 處分別四
T44n1851_p0601a26(01) || 治斷五)
- T44n1851_p0601a27(00) || 第一釋名。三界繫者。所謂欲色無色繫業。
T44n1851_p0601a28(01) || 欲謂欲界。染愛塵境。名之為欲。欲別上界。
T44n1851_p0601a29(02) || 名為欲界。然欲界中。亦著己身。但欲五塵。
T44n1851_p0601b01(03) || 下有上無。為別上界。就欲名矣。色調色界。
T44n1851_p0601b02(03) || 對下以名。應名無欲。以此界中著內色形。
T44n1851_p0601b03(04) || 從其所著故名為色。色別上下稱曰色界。言無色者。
T44n1851_p0601b04(01) || 謂無色界。從其所取。應名心界。
T44n1851_p0601b05(06) || 以此界中絕其色報。背下彰名。故云無色。
T44n1851_p0601b06(07) || 以斯別下名無色界。言繫業者。釋有四義。一就業體以辨繫義。
T44n1851_p0601b07(00) || 有漏之業體屬三界。是故名為三界繫業。
T44n1851_p0601b08(01) || 二就得果以辨繫義。有漏之業受報之處。
T44n1851_p0601b09(02) || 定在三界。是故名為三界繫業。
T44n1851_p0601b10(07) || 三就業果相對辨繫。於三界中。業果相縛。是故名為三界繫業。
T44n1851_p0601b11(00) || 故成實云。始從地獄乃至他化。
T44n1851_p0601b12(05) || 於中受報名欲界繫。始從梵世至色究竟。
T44n1851_p0601b13(06) || 於中受報名色界繫。始從空處乃至非想。
T44n1851_p0601b14(07) || 於中受報名無色繫。四對惑辨繫。為其當界煩惱緣縛。
T44n1851_p0601b15(03) || 故名繫業。問曰。業果共相縛故名為繫者。
T44n1851_p0601b16(04) || 以何義故不名繫果。偏云繫業。釋言。就果說繫亦得。
T44n1851_p0601b17(00) || 今據業門故名繫業。又業是本故偏說之。
T44n1851_p0601b18(01) || 又問。煩惱亦能繫果。
T44n1851_p0601b19(10) || 以何義故不說煩惱以之為繫。偏云繫業。釋言。煩惱理亦是繫。
T44n1851_p0601b20(03) || 今就業門故云繫業。又業正種故偏說之。問曰。
T44n1851_p0601b21(02) || 無記不定報業何界繫乎。成實釋言。是欲界繫。
T44n1851_p0601b22(00) || 所以者何。能是欲界業果報故。又問。
T44n1851_p0601b23(02) || 繫業繫法何別。釋言。繫業局在三業。不通餘法。
T44n1851_p0601b24(01) || 若論繫法。通業煩惱及彼相應心心法。
T44n1851_p0601b25(03) || 等皆名繫法。名義如是(此一門竟)。次辨能繫。於中有四。
T44n1851_p0601b26(00) || 一漏無漏相對分別。有漏是繫。無漏不定。
T44n1851_p0601b27(00) || 小乘法中。一向不繫。大乘法中。無漏有二。
T44n1851_p0601b28(01) || 一者真證。一向不繫。二者緣照。亦繫不繫。
T44n1851_p0601b29(02) || 望分段果。不集不招。故名不繫。望變易果。
T44n1851_p0601c01(03) || 因果相縛。亦名為繫。謂於變易世間之中。
T44n1851_p0601c02(03) || 受果報故。二就善惡無記分別。若言業體定屬三界。
T44n1851_p0601c03(00) || 又為當界煩惱縛故名繫業者。
T44n1851_p0601c04(05) || 一切有漏善惡無記。斯名繫業。若言得果定屬三界。
T44n1851_p0601c05(01) || 又在三界因果相縛。名為繫者。
T44n1851_p0601c06(06) || 有漏善惡名為繫業。無記不繫。無果報故。

T44n1851_p0601c07(06) || 就彼善惡二業之中。不善之業定繫欲界。善業有二。
T44n1851_p0601c08(02) || 一定二亂。亂者所謂施戒等善。繫屬欲界。
T44n1851_p0601c09(03) || 定者所謂八禪定業。八中四禪。繫屬色界。四空定業。
T44n1851_p0601c10(00) || 繫屬無色。三就身口意業分別。
T44n1851_p0601c11(05) || 身口二業繫屬欲色。意業一種。通繫三界。
T44n1851_p0601c12(06) || 四就罪福不動分別。罪者所謂不善之業。
T44n1851_p0601c13(07) || 福者所謂散善之業。言不動者。八禪定業。此三種中。
T44n1851_p0601c14(03) || 罪福二業。繫屬欲界。不動業者。繫上二界(此二門竟)。
T44n1851_p0601c15(00) || 次辨所繫。於中有二。一對繫業。明其所繫。
T44n1851_p0601c16(01) || 二對繫法。明其所繫。業所繫中分別有四。
T44n1851_p0601c17(02) || 一就有漏無漏分別。依如毘曇。
T44n1851_p0601c18(07) || 有漏報法從業所生。是業所繫。無漏不從有漏業生。非業所繫。
T44n1851_p0601c19(00) || 若依成實。一切有漏皆從過去有漏業生。
T44n1851_p0601c20(00) || 是業所繫。無漏之法。亦從過去施戒等生。
T44n1851_p0601c21(00) || 但是業果而非業繫。何故如是。
T44n1851_p0601c22(05) || 經中說有不繫受故。又無漏法起必藉因。生必託緣。
T44n1851_p0601c23(01) || 過去所修施戒等善。以之為緣。
T44n1851_p0601c24(06) || 方便無漏以之為因。因力大故。所以不繫。論釋如是。
T44n1851_p0601c25(03) || 若言因果共相屬著名之為繫。理亦無傷。大乘法中。
T44n1851_p0601c26(00) || 真證無漏。非業所繫。變易無漏。是業所繫。
T44n1851_p0601c27(01) || 二三性分別。依如毘曇。無記法中報無記法。
T44n1851_p0601c28(01) || 是其業果。為業所繫。餘非業繫。若依成實。
T44n1851_p0601c29(02) || 有漏法中三性之法。皆從過去有漏業生。
T44n1851_p0602a01(03) || 是業所繫。故彼論言。我說業報有其三種。善惡無記。
T44n1851_p0602a02(00) || 言善報者。有人過去修善法故今報純善。
T44n1851_p0602a03(01) || 不善報者。不能男等貪欲之報。
T44n1851_p0602a04(06) || 毒蛇蝎等瞋恚之報。如是一切。無記之報。義在可知。
T44n1851_p0602a05(03) || 是業報故。是業所繫。又彼論言。諸所生法皆業為本。
T44n1851_p0602a06(00) || 若無業本云何能生。故知。諸法皆業所繫。
T44n1851_p0602a07(01) || 三內外分別。毘曇法中。眾生內報從業而生。
T44n1851_p0602a08(01) || 是業所繫。外山河等一切境界。不從業生。
T44n1851_p0602a09(02) || 非業所繫。問曰。
T44n1851_p0602a10(13) || 一切山河大地乃是眾生依報之果。云何說言非業所繫。又人作善便生好處。
T44n1851_p0602a11(00) || 若人造惡便生惡處。云何說言非業繫乎。
T44n1851_p0602a12(01) || 毘曇釋言。外山河等。還用外法四大為因。
T44n1851_p0602a13(02) || 不由業起故非業繫。
T44n1851_p0602a14(11) || 言作善業生於好處作不善業生惡處者。業力如風。善業風故。吹諸眾生。
T44n1851_p0602a15(00) || 好處受樂。惡業風故。吹諸眾生。惡處受苦。
T44n1851_p0602a16(01) || 然所住處。不由業起。故非業繫。若依成實。
T44n1851_p0602a17(02) || 一切內外皆是業果。並是所繫。問曰。
T44n1851_p0602a18(05) || 外法非眾生數。先自有之。不由業有。云何說言是業繫乎。
T44n1851_p0602a19(00) || 又復外法同類相生。如豆生豆麥生麥等。

T44n1851_p0602a20(01) || 何用於業而云業果業所繫乎。成實釋言。
T44n1851_p0602a21(01) || 外法雖復非眾生數。而是眾生共業果故。
T44n1851_p0602a22(02) || 亦從業起。若言外法同類相生不由業者。
T44n1851_p0602a23(03) || 是義不然。云何不然。如彼眾生。雖從父母和合所生。
T44n1851_p0602a24(00) || 亦假於業。外法亦爾。雖復同類。迭相因起。
T44n1851_p0602a25(01) || 由業。何傷。又一切物。不盡從於同類因生。
T44n1851_p0602a26(02) || 如劫初時。一切萬物無因而起。明知。由業。
T44n1851_p0602a27(03) || 由業生故是業所繫。四三聚分別。言三聚者。
T44n1851_p0602a28(02) || 所謂色心非色非心。依如毘曇。色法之中。
T44n1851_p0602a29(03) || 唯報五根及彼扶根色香味觸。是其業果。業之所繫。
T44n1851_p0602b01(00) || 自餘一切方便長養眼等五根及外五塵。
T44n1851_p0602b02(01) || 皆非業果。非業所繫。心法之中。
T44n1851_p0602b03(06) || 唯有報生心心數法。是其業果。業之所繫。
T44n1851_p0602b04(07) || 自餘一切三性心法。皆非業果。非業所繫。非心法中。
T44n1851_p0602b05(04) || 唯有命根無想天報眾生種類及彼相應生住滅等。
T44n1851_p0602b06(01) || 是其報法業之所繫。餘皆非報。非業所繫。
T44n1851_p0602b07(02) || 若依成實。有漏法中。一切色法。一切心法。
T44n1851_p0602b08(03) || 及非色心。通是業果。是業所繫。上來四門。
T44n1851_p0602b09(03) || 對業分別。次對繫法明其所繫。依如毘曇。
T44n1851_p0602b10(04) || 欲界地中一切有漏。為欲界中煩惱緣縛。名欲界繫。
T44n1851_p0602b11(00) || 色界地中一切有漏。為色界中煩惱緣縛。
T44n1851_p0602b12(01) || 名色界繫。無色亦爾。成實論中不存此義(此三門竟)。
T44n1851_p0602b13(00) || 次就處所分別繫相。依如毘曇。欲界繫業。
T44n1851_p0602b14(01) || 唯欲界起。受報之時。亦在欲界。色界繫業。
T44n1851_p0602b15(02) || 起在欲色。受報之時。唯在色界。不通餘處。
T44n1851_p0602b16(03) || 無色界業。三界通起。受報之時。必在無色。問曰。
T44n1851_p0602b17(01) || 何故下界之中得起上業。身在上界不起下業。
T44n1851_p0602b18(00) || 釋言。以其界地斷故。身生上界。下地法斷。
T44n1851_p0602b19(01) || 是故在上不起下業。問曰。
T44n1851_p0602b20(08) || 若既欲界繫業唯欲界受非餘處者。如經中說。洗僧之福。
T44n1851_p0602b21(03) || 得生梵世。洗僧散善。是欲界業。云何而得上界受乎。
T44n1851_p0602b22(00) || 釋言。洗僧福德因緣導生禪定。故生梵世。
T44n1851_p0602b23(01) || 非洗僧福親能生彼。經就遠緣故。
T44n1851_p0602b24(05) || 說洗僧得生梵世。又問。禪定是上界業。
T44n1851_p0602b25(07) || 唯上界受非下界者。經說。修慈正報梵世。後生欲界身心無惱。
T44n1851_p0602b26(00) || 云何而言非下界受。釋云。慈體是上界業。
T44n1851_p0602b27(01) || 唯上界受。經中所說。後生欲界身無惱者。
T44n1851_p0602b28(02) || 彼修慈時。前後方便。身口柔軟不惱眾生。
T44n1851_p0602b29(03) || 此之方便是欲界善故生欲界。身心無惱。若依成實。
T44n1851_p0602c01(00) || 三界繫業當地亦起。在他界中亦得寄起。
T44n1851_p0602c02(01) || 如在欲界修起八禪。則是下界寄起上業。
T44n1851_p0602c03(02) || 又在上界起邪見等。則是寄起下界不善。

T44n1851_p0602c04(03) || 又如初禪婆伽梵王語諸梵眾。汝但住此。

T44n1851_p0602c05(04) || 我能令汝盡老死邊。汝等不須詣瞿曇所。

T44n1851_p0602c06(05) || 亦是寄起欲界不善。又諸梵等。見佛禮拜發言讚歎。

T44n1851_p0602c07(02) || 則是寄起欲界善業。問曰。

T44n1851_p0602c08(09) || 上界邪見等心是無記法。云何說言下界不善。成實釋言。經說。

T44n1851_p0602c09(01) || 邪見是苦因緣。其猶苦報所有四大一切皆苦。

T44n1851_p0602c10(00) || 邪見如是。云何無記。是不善故。繫屬欲界。

T44n1851_p0602c11(01) || 又成實中。三界之果。亦得寄受。如上二界。

T44n1851_p0602c12(02) || 報欲盡時。心生憂惱。此之惱苦。繫屬欲界。

T44n1851_p0602c13(03) || 上界寄受。又經中說。洗僧之福。得生梵世。

T44n1851_p0602c14(04) || 亦是上界寄受欲果。又經中說。修慈因緣。正生梵世。

T44n1851_p0602c15(01) || 後生欲界身心無惱。亦是欲界寄受上報。

T44n1851_p0602c16(02) || 大乘法中。同成實說。一切諸業。皆得寄起。

T44n1851_p0602c17(03) || 悉得寄受。乃至正報。亦是寄受。非直殘氣(此四門竟)。

T44n1851_p0602c18(00) || 次辨治斷。於中有二。一總明治斷。

T44n1851_p0602c19(04) || 二隨位別論。所言總者。毘曇法中。不善思業。

T44n1851_p0602c20(03) || 煩惱相應。正斷其體。以斷體故。此業盡處。

T44n1851_p0602c21(03) || 名為數滅。自餘一切身口惡業。及諸善業。

T44n1851_p0602c22(04) || 但斷業思繫縛之義。不斷業體。不斷業體。故不名數滅。

T44n1851_p0602c23(00) || 成實法中。斷煩惱故。令業不起。名為斷業。

T44n1851_p0602c24(01) || 然彼宗中。由斷煩惱。令業不起。悉是數滅。

T44n1851_p0602c25(02) || 不同毘曇。有是有非。故彼論言。見斷法者。

T44n1851_p0602c26(02) || 謂示相慢及彼所起諸餘法也。修斷法者。

T44n1851_p0602c27(03) || 不示相慢及彼所起諸餘法也。示相我慢是見諦惑。

T44n1851_p0602c28(00) || 所起法者。謂此所生業及苦果。

T44n1851_p0602c29(05) || 不示相慢是修道惑。所起法者。謂此所生業及苦果。

T44n1851_p0603a01(01) || 故知斷處則是數滅。大乘法中。亦斷業體。

T44n1851_p0603a02(02) || 以知諸業妄想心起本無法故。總相如是。

T44n1851_p0603a03(03) || 次約諸位別以論之。依如毘曇。三塗惡業。

T44n1851_p0603a04(03) || 有是見斷。有是修斷。凡夫先來。依見諦惑。

T44n1851_p0603a05(03) || 所起之業。見道時斷。凡夫先來。依修道惑。

T44n1851_p0603a06(03) || 所起之者。欲界修道九無礙斷。

T44n1851_p0603a07(08) || 此義如後四業章中具廣分別。欲界地中人天所受別報惡業。

T44n1851_p0603a08(01) || 得那含時一切皆斷。人天善業。得那含時。

T44n1851_p0603a09(01) || 永斷繫縛。生上地時。永更不行。上界善業。

T44n1851_p0603a10(01) || 隨地各別九無礙道斷其繫縛。生上地時。

T44n1851_p0603a11(01) || 入涅槃時。永更不行。若依成實。三塗惡業。

T44n1851_p0603a12(01) || 一向在於見道中斷。問曰。

T44n1851_p0603a13(08) || 毘曇三塗業中分為兩分。有是見斷。有是修斷。何故成實。

T44n1851_p0603a14(02) || 三塗惡業唯見道斷。釋言。兩宗辨惑各異。

T44n1851_p0603a15(03) || 毘曇法中。凡夫並起見諦修道二輪煩惱。迷理生者。

T44n1851_p0603a16(00) || 是見諦惑。緣事生者。是修道惑。此二種惑。

T44n1851_p0603a17(01) || 並發三塗不善意業。造業已竟。恒有能得法。
T44n1851_p0603a18(00) || 得彼往業。繫屬行人。人見道時。
T44n1851_p0603a19(05) || 見惑所起不善家。得一切皆斷。欲界修道九無礙時。
T44n1851_p0603a20(02) || 修惑所起不善家。得一切皆斷。故分兩處。
T44n1851_p0603a21(02) || 身口二業。唯修惑起。彼是世斷剎那斷故。
T44n1851_p0603a22(03) || 無得得之。但為欲界業思。繫縛。斷業思時。
T44n1851_p0603a23(03) || 彼縛亦斷。故名為斷。成實法中。凡夫之時唯起見惑。
T44n1851_p0603a24(00) || 修惑成就而不現行。何故如是。彼宗之中。
T44n1851_p0603a25(01) || 一切煩惱皆有取性。凡夫起惑取性則重。
T44n1851_p0603a26(02) || 見道時斷。是故凡夫所起煩惱。悉名見惑。
T44n1851_p0603a27(03) || 聖人起惑。取性輕微。凡夫起惑。不能如是。
T44n1851_p0603a28(03) || 故凡夫時。不起修惑。良以彼宗凡時唯起見諦惑。
T44n1851_p0603a29(01) || 故三塗惡業。悉見惑起。是故一切唯見道斷。
T44n1851_p0603b01(01) || 欲界人天別報惡業。及與欲界一切善業。
T44n1851_p0603b02(02) || 得那含時。一切不行。於中雖有禮拜等善。
T44n1851_p0603b03(03) || 名用心起。是無漏善。非欲界業。上界善業。
T44n1851_p0603b04(03) || 隨斷結處。一切不生。於中雖修禪定等業。名用心起。
T44n1851_p0603b05(00) || 非是繫業。大乘法中。三塗惡業未起之者。
T44n1851_p0603b06(01) || 至種姓時。畢竟不起。已起之者。有重有輕。
T44n1851_p0603b07(02) || 重為定繫。輕為不定。所言定者。有三種定。
T44n1851_p0603b08(03) || 一者時定。現生後時定受報故。二者報定。定得果故。
T44n1851_p0603b09(00) || 三者處定。定於三塗受果報故。言不定者。
T44n1851_p0603b10(00) || 亦有三種。一時不定。現生後時無定在故。
T44n1851_p0603b11(01) || 二報不定。遇緣則受無緣不受。三處不定。
T44n1851_p0603b12(02) || 於六道中。得受便受。無定所故。彼定業者。
T44n1851_p0603b13(03) || 種姓時斷。不復用之。受惡果報。以種姓上生自在故。
T44n1851_p0603b14(00) || 彼不定業。初地時斷。故地經中宣說。
T44n1851_p0603b15(03) || 初地離惡道畏。又地持云。解行菩薩。
T44n1851_p0603b16(06) || 轉惡趣報入歡喜地。明知。初地惡業永盡。解行已還。
T44n1851_p0603b17(03) || 以悲願力用之受生。故地持云。種姓解行。或生惡道。
T44n1851_p0603b18(00) || 又涅槃云。地前菩薩。過去世中微塵等業。
T44n1851_p0603b19(00) || 以願力故。一切悉受。問曰。
T44n1851_p0603b20(06) || 論說種姓菩薩超過聲聞辟支佛上。聲聞法中人見道時。
T44n1851_p0603b21(01) || 已於惡道畢竟不受。
T44n1851_p0603b22(10) || 云何種姓乃至解行猶受惡道。釋言。二乘於生死中一向厭離。
T44n1851_p0603b23(03) || 不願不墮。故見道時。三惡道業畢竟不受。地前菩薩。
T44n1851_p0603b24(00) || 悲願隨物。故於三塗受惡果報。
T44n1851_p0603b25(05) || 若爾地上何故不受。以業盡故。欲界人天別報惡業。
T44n1851_p0603b26(02) || 亦至初地畢竟永盡。惡業如是。
T44n1851_p0603b27(07) || 人天善業未起之者。至初地時。見法空寂。捨離取著。不復更起。
T44n1851_p0603b28(00) || 若復通論。種姓已上。見諸法如。不復起之。
T44n1851_p0603b29(01) || 已起之者。亦有二種。一者定繫取性心起。

T44n1851_p0603c01(02) || 二者不定隨順世諦。假名心起。彼定繫中。
T44n1851_p0603c02(02) || 有正有習。不定亦然。定中正者。種姓時盡。
T44n1851_p0603c03(03) || 不復用之受生三有。以種姓上於六道中生自在故。
T44n1851_p0603c04(00) || 定中習者。種姓已上。以悲願力轉為不定。
T44n1851_p0603c05(00) || 用之受生。至初地時。究竟窮盡。
T44n1851_p0603c06(05) || 故初地上名出世間。故彼法花優婆提舍。
T44n1851_p0603c07(06) || 宣說初地為離分段。又楞伽云。初地菩薩。得二十五三昧。
T44n1851_p0603c08(01) || 離二十五有。明知。初地三有報盡。
T44n1851_p0603c09(05) || 不定之中所有正業。初地已上。猶用受身。
T44n1851_p0603c10(06) || 彼初地上雖復內有法性之身。猶雜彼報。故大品中。
T44n1851_p0603c11(03) || 宣說七地有其肉身。良在於此。至八地時。究竟窮盡。
T44n1851_p0603c12(00) || 故涅槃云。八地已上名阿那含。
T44n1851_p0603c13(04) || 不復還來二十五有。又不更受臭身虫身。不定之中。
T44n1851_p0603c14(01) || 微細習氣。至佛乃窮。以十地還未窮盡故。
T44n1851_p0603c15(02) || 不得名為斷有頂種。唯佛盡故。
T44n1851_p0603c16(07) || 獨佛善斷有頂種也。三界繫業。略之云爾。